

卷四西河水源流而後家嶓冢導漢之水  
雜指嶓冢極詳

水經注卷二十

漢 桑 欽撰

後魏酈道元注

漾水

涼州

丹水

雍州

漾水本出梁州之嶓冢山其出涼州之嶓冢山者乃西漢水經誤牽合

漾水出隴西氐道縣嶓冢山東至武都沮縣為漢水常璩華陽國記曰漢水有二源東源出武都氐道縣漾山為漾水禹貢導漾東流為漢是也西源出隴西嶓冢山會泉逕葭萌入漢始源曰沔按沔水出東狼谷逕沮縣入漢漢中記曰嶓冢以東水皆

水經注

卷二十

漾水

二

東流嶓冢以西水皆西流即其地勢源流所歸故俗以嶓冢為分水嶺即此推沔水無西入之理劉澄之云有水從沔陽

宋本作沔陽

縣南至梓潼漢壽入

大穴暗通罝山郭景純亦言是矣罝山穴小本不容水水成大澤而流與漢合庾仲邕又言漢水自武遂川南入蔓葛谷越野牛逕至開城合西漢水故諸言漢者多言西漢水至葭萌入漢又曰始源曰沔是以經云漾水出氐道縣東至沮縣為漢水

東南至廣魏白水

為你廣魏水魏改也

俱作廣漢

診其泐注似與三

論云在梁州



從魏各以其  
代別無所不  
尚

譚云每言音  
發顯發形容  
水妙勝多  
韻

譚云破句讀  
穆嚴作戲觴  
二字相連為  
戲觴其人

說相符而未極西漢之源矣然東西兩川俱受河  
漢之名者義或在茲矣班固地理志司馬彪袁崧  
郡國志並言漢有二源東出氐道西出西縣之蟠  
冢山闕駟云漢或為漾漾水出崑崙西北隅至氐  
道重源顯發而為漾水又言隴西縣蟠冢山在西  
西漢水所出南入廣魏白水又云漾水出獾道東  
至武都入漢許慎呂忱並言漾水出隴西獾道東  
至武都為漢水不言氐道然獾道在冀之西北又  
隔諸川無水南入疑出獾道之為謬矣漢地理志  
獾道縣在

水經注

卷二十

二

天水郡應劭云  
獾戎邑也音完

又云漢漾也東為滄浪水山海經

曰蟠冢之山漢水出焉而東南流注于江然東西  
兩川俱出蟠冢而同為漢水者也孔安國曰泉始  
出為漾其猶濛耳而常璩專為漾山漾水當是作  
者附而為山水之殊目矣余按山海經漾水出崑  
崙西北隅而南流注于醜塗之水山海經  
作醜塗穆天子  
傳曰天子自春山西征至于赤鳥氏己卯北征庚  
辰濟于洋水辛巳入于曹奴之人戲觴天子于洋  
水之上當云辛巳入于曹奴曹奴之人戲觴天子  
今穆天子傳亦缺曹奴二字遂不可句

乃獻良馬九百，牛羊七千。天子使逢固受之。天子乃賜之黃金之鹿，戲乃膜拜而受。余以太和中從高祖北巡，狄人猶有此獻。雖古今世殊，而所貢不異。然川流隱伏，卒難詳照。地理潛閤，變通無方。復不可全言闕氏之非也。雖津流派別，枝渠勢懸，原始要終，潛流或一，故俱受漢漾之名。納方土之稱，是其有漢川、漢陽、廣漢、漢壽之號。或因其始，或據其終，縱異名互見，猶為漢漾矣。川其目殊，或亦在斯。今西縣嶓冢山，西漢水所導也。然微涓細注，若

水經注

卷二十

三

通羣歷津注而已。西流與馬池水合，水出上邽西南六十餘里，謂之龍淵水。言神馬出水，事同徐吾

來淵之異。

徐吾當作余吾，漢書元符二年馬生余吾水中。元鼎四年馬生渥洼水中。應劭

注云余吾在朔方。

故因名焉。開山圖曰：隴西神馬山有淵

池，龍馬所生，即是水也。其水西流，謂之馬池川。又

西流入西漢水。西漢水又西南流，左得蘭渠溪水。

次西有山黎谷水。次西有鐵谷水。次西有石耽谷

水。次西有南谷水。並出南山。揚湍北注，右得高望

谷水。次西得西谿水。次西得黃花谷水。咸出北山。

飛波南入西漢水又西南資水注之水北出資川  
導源四壑南至資峽總爲一水出峽西南流汪西  
漢水西漢水又西南得峽石口水出苑亭四草  
里谷宋本作苑亭西草黑谷三溪西南至峽石口合爲一瀆  
東南流屈而南注西漢水西漢水又西南合楊廉  
川水水出西谷衆川瀉流合成一川東南流逕西  
縣故城北秦莊公伐西戎破之周宣王與其大駱  
大丘之地爲西垂大夫亦西垂官也王莽之西治  
矣建武八年世祖至陽河竇融等悉會天水震動

水經注

卷二十

四

隗囂將妻子奔西城從楊廣廣死囂孤舊本作愁窮城

守時潁川賊起車駕東歸留吳漢岑彭圍囂岑等

壅西谷水以縑幔盛土爲堤灌城城未沒丈餘水

穿壅不行地中數丈涌出故城不壞請蜀救至漢

等退還上邽但廣廉字相狀後人因以人名名之

故習爲楊廉也置楊廉縣焉又東南流右會茅

川水水出西南戎溪東北流逕戎丘城南吳漢之

圍西城王捷登城向漢軍曰爲隗王城守者皆必

死無二心願諸將亟罷宋本作還請自殺以明之遂刎

譚云岩岩相  
狀未必非習  
僞如楊廉也

頸而死又東北流注西谷水亂流東南入于西漢

水西漢水又西南逕始昌峽始昌縣故城西晉書

地道記曰天水始昌縣故城西也亦曰清崖峽西

漢水又西南逕巖備戍巖宋本作宕南左則巖備水自

東南西北注之右則鹽官水南入焉水有鹽官在

蟠冢西五十許里相承管煮不輟味與海鹽同故

地理志云西縣有鹽官是也其水東南逕巖備戍

西東南入漢水漢水又西南合左谷水水出南山

窮溪北注漢水又西南蘭軍謝云蘭軍字誤宋本作蘭單而下文又有

水經注

卷三十

五

蘭坑疑作蘭坑

水出於西北至交谷

宋本作五交谷

東南歷祁山

軍東南入漢水漢水又西南逕祁山軍南雞水出

南雞谷北逕水南縣西北流注于漢漢水又西建

安川水入焉其水導源建威西北山白石戍東南

二源水合注東逕建威城南又東與蘭坑水會水

出西南近溪東北逕蘭坑城西東北流注建安水

建安水又東逕蘭坑城北建安城南其地故西縣

之歷城也楊定自隴右徙治歷城即此處也去仇

池一百二十里後改爲建安城其水又東合錯水

水出錯水成東南而東北入建安水。建安水又東北有雉尾谷水。又東北有太谷水。又北有小祁山水。並出東溪。揚波西注。又北左會胡谷水。水西出胡谷。東逕金盤。歷城二軍。北軍在水南。層山上。其水又東注建安水。建安水又東北逕塞峽。元嘉十九年。宋太祖遣龍驤將軍裴方明伐楊難當。將妻子北奔安西。參將魯尚期追出塞峽。卽是峽矣。左山側有石穴。洞人言潛通下辨。所未詳也。其水出峽西北流。注漢水。漢水北連山。秀舉羅峰。競峙祁

水經注

卷二十

山在璠冢之西七十里。許里無正字山上有城。

極為巖固。昔諸葛亮攻祁山。卽斯城也。漢水逕其

南城南三里。有亮故壘。壘之左右。猶豐茂。宿草蓋

亮所植也。在上邽西南二百四十里。開山圖曰。漢

陽西南有祁山。溪徑逶迤。山高巖嶮。九州之名。岨

天下之奇峻。今此山於衆阜之中。亦非為傑矣。漢

水又西南與申宋本作甲谷水合。水出西南。申谷東北

流。注漢水。漢水又西逕南岬。原作岸。宋本作岬。蓋岸寫之誤。今改正。

北中岬之上下有二城相對。左右墳壠低昂。亘山

岬家為韻不常  
岬岸也

被阜古語

一作

云南呀北呀萬有餘家諸葛亮表

言祁山縣出租五百

朱本云祁山縣去沮五百里

有民萬戶矚

其丘墟信為殷矣漢水西南逕武植戍南武植戍

水發北山二源奇發合于安民戍南又南逕武植

戍西而西南流注于漢水漢水又西南逕平夷戍

南又西南夷水注之水出北山南逕其戍西南入

漢水漢水又西逕蘭倉城南又南右會兩溪俱出

西山東流注于漢水張華博物志云溫水出鳥鼠

山下注漢水疑是此水而非所詳也漢水又南入

水經注

卷二十

七

嘉陵道而為嘉陵水然世俗名之為階陵水非也

漢水又東南右

右字疑衍舊本作名吳改作右

得北谷水東南得

城階水

孫云城階疑作武階

又東南得倉谷水右三水並出

西溪東流注漢水漢水又東南逕瞿堆西又屈逕

瞿堆南絕壁峭峙孤嶮雲高望之形若覆壺其高

二十餘里羊腸蟠道三十六迴開山圖謂之仇夷

所謂積石嵯峨嶽岑隱阿者也上有平田百頃煮

土成鹽因以百頃為號山上豐水泉所謂清泉湧

沸潤氣上流者也漢武帝元鼎六年開以為武都

譚云賦才無  
正集以石畫家  
無此書本

郡天池大澤在西故都爲目矣王莽更名樂平郡  
縣曰循虜縣常璩范曄云郡居河池一名仇池池  
方百頃卽指此也左右悉白馬氏矣漢獻帝建安  
中有天水氏楊騰者世居隴右爲氏大帥子駒勇  
健多計徙居仇池魏拜爲百頃氏王漢水又東合  
洛谷

李云疑脫水字

谷有二源合同注一壑於神蛇戍西

左右山溪多五色蛇性馴良不爲物毒洛谷水又  
南逕虎植戍東又南逕仇池郡西瞿堆東西南入  
漢水漢水又東合洛漢水

孫云洛漢當作洛溪下同

水北發洛

水經注

卷二十

谷南逕威武戍南又西南與龍門水合水出西北  
龍門谷東流與橫水會東北窮溪卽水源也又南  
逕龍門戍東又東南入洛漢水又東南逕上祿縣  
故城西修源濬導逕引北溪南總兩川單流納漢  
漢水又東南逕濁水城南又東南會平樂水水出  
武階

宋本作水出武源嶴按下文數舉武街知階當作街而宋本自誤耳十六國春秋亦作武

街東北四十五里更馳南溪導源東北流山側有  
甘泉涌波飛流下注平洛水又逕甘泉戍南又東  
逕平洛戍南又東入漢謂之會口漢水東南逕修

此語森  
階街並  
洛難合



城道南與脩水合水總二源東北合漢漢水又東南於槃頭郡南與濁水合水出濁城北東流與丁令溪水會其水北出丁令谷南逕武街城西東南入濁水濁水又東逕武街城南故下辨縣治也李倉李稚以氏王楊敵堅妻死葬陰平襲武街為氏所殺於此矣按華陽國志十六國春秋並云氏王楊茂搜子難敵堅頭為劉曜所破奔晉壽守將李稚受其賂遺不送成都遣難敵兄弟還武都遂即叛稚與兄侍中瑒攻難敵由白水橋進攻下辨而瑒弟珩攻陰平難敵遣軍拒珩而瑒稚徑至下辨武街難敵絕其歸路四面攻之深入無繼皆為氏眾所殺此云楊敵堅妻死葬陰平所未詳也今廣漢郡治濁水又

水經注

入卷二十

九

東弘休水

休世本作體蓋體寫之誤今據宋本改正

注之水北出溪南

逕武街城東而南流注于濁水濁水又東逕白石

縣南續漢書曰虞詡為武都太守下辨東三十餘

里有峽峽中

雜指作白當一作

水生大石障塞水流春夏輒

潰溢敗壞城郭詡使燒石以水灌之石皆碎裂因

鑄去焉

碎裂舊本作淬裂後漢書虞詡傳注引續書云以水灌之石皆坼裂因鑄去石

遂

無泛溢之害濁水即白水之異名也濁水又東南

渥陽水北出渥谷南逕白石縣東而南入濁水濁

水又東南與仇鳩水合水發鳩溪南逕河池縣故

城西王莽之樂平亭也。其水西南流注濁水。濁水又東南與河池水合。水出河池北谷。南逕河池戍。東西南入濁水。濁水東南兩當水注之。水出陳倉縣之大散嶺西南。流入故道川。謂之故道水。西南逕故道城東。魏征仇池。築以置戍。與馬鞍山水合。水東出馬鞍山。歷谷西流。至故道城東。西入故道水。西南流。北川水注之。水出北洛。櫛山南。南流逕唐倉城下。南至困冢川。入故道水。故道水又西南歷廣香交。合廣香川水。水出南田縣利喬山。利一作穆

水經注 卷二十

譚云尚婆與聖女相連便有婦情

宋云余嘗在武功道中遠望終南有微雲帶山寒聳湧滅狀若為曾讀此注大意文存心目間矣

南流至廣香川。謂之廣香川水。又南注故道水。謂之廣香交。故道水又西南入秦岡山。尚婆水注之。山高入雲。遠望增狀。若嶺紆。曦軒峰。駐月駕矣。懸崖之側。列壁之上。有神象。若圖指狀。婦人之容。其形上赤。下白。世名之曰聖女神。至於福應。愆違。方俗。是祈水源。北出利喬山。南逕尚婆川。謂之尚婆水。歷兩當縣之尚婆城南。魏故道郡治也。西南至山。入故道水。故道水右。又合黃盧山水。水出西北。天水郡黃盧山。腹歷谷。南流交注故道水。故道水

南入東益州之廣漢郡界與沮水枝津合謂之兩  
當溪水。上承武都沮縣之沮水。瀆西南流注于兩  
嶮絕。水中多石。舟車不通。驢馬負運。僦五致。一詔  
乃於沮受。僦直約自致之。卽將吏民按行。皆燒石  
。斫木。開漕船道。水運通利。歲省萬計。以其僦廩與  
吏士。年四十餘萬也。後漢書作燒石。斫木。開漕船  
道。以人僦直。雇借傭者。於是  
水運通利。歲省四十餘萬。又西南注于濁水。濁水南逕槃頭郡  
東而南。合鳳溪水。水上承澗水於廣漢郡南。逕鳳

水經注

入卷二十

溪中有二石。雙高。其形若闕。漢世有鳳凰至。舊本  
作鳳

鳳上疑當作  
止。吳本作至。故謂之鳳凰臺。北去郡二里。水出臺

下。東南流。左注濁水。濁水又南注漢水。漢水又東  
南。歷漢曲。逕挾崖與挾崖。水合水。西出檐潭。交東  
流入漢水。漢水又東。逕武興城南。又東南與北谷  
水合。水出武興東北。而西南逕武興城北。謂之北  
谷水。南轉逕其城東。而南與一水合。水出東溪。西  
流。注北谷水。又南流。注漢水。漢水又西南。逕關城  
北。除水出西北。除溪東南流入于漢。漢水又西南。

逕通谷。通谷水出東北，通溪上承漾水，西南流爲西漢水。漢水又西南，寒水注之。水東出寒川，西流入漢。漢水又西，逕石亭戍，廣平水西出百頃川，東南流注漢。又有平阿水出東山，西流注漢水。又逕壽故城南，而西南入于漢水也。

又東南至廣魏。宋本作廣漢。白水縣西，又東南至葭萌縣。

東北與羌水合。

白水西北出于臨洮縣西南，西傾山，水色白濁，東

水經注

卷二十

十二

南流與黑水合。水出羌中，西南逕黑水城西，又西南入白水。白水又東，逕洛和城南，洛和水西南出和溪，東北流，逕南黑水城西，而北注白水。白水又東南，逕鄧至城南，又東南與大夷祝水合。水出夷祝城西南，而窮溪北，注夷水。又東北合羊洪水，出東南，羊溪西北，逕夷祝城東，又西北流，屈而東北注于夷水。夷水又東北入白水。白水又東，與安昌水會。水源發衛大西溪，東南逕鄧至安昌郡南，又東南合無累水。無累水出東北，近溪西南入安昌。

水安昌水又東南入白水白水又東南入陰平得  
東維水水出西北維谷東南逕維城西東南入白  
水白水又東南逕陰平故城南王莽更名摧虜矣  
卽廣漢之北部也廣漢屬國都尉治漢平帝永初  
三年

按漢紀平帝有元始後漢安帝有永初

分廣漢蠻夷置有白馬

水出長松縣西南而白馬漢一作東北逕長松縣

北而東北注白水白水又東逕陰平大城北蓋其

渠帥自故城徙居也白水又東偃溪水出西南偃

溪東北流逕偃城西而東北流入白水白水又東

水經注

卷二十

逕偃城北又東北逕橋頭昔姜維之將還蜀也雒

州宋本作雍州刺史諸葛緒邀之於此後期不及故維

得保劔閣而鍾會不能入也白水又與羌水合自

下羌水又得其通稱矣白水又東逕郭公城南昔

郭淮之攻廖化於陰平也築之故因名焉白水又

東雒川水出西南雒溪東北注白水白水又東合

空冷水傍溪西南窮谷卽川源也白水又東南與

南五部水會水有二源西源出五部溪東南流東

源出郎谷西南合南注白水白水又東南逕建陽

郡東而北與一水合二源同注共成三溪西南流入于白水白水又東南逕白水縣故城東即白水郡治也經云漢水出其西非也白水又東南與西谷水相得水出西溪東流逕白水城南東南入白水白水又南左會東流水入極溪便即水源也白水又南逕李云疑脫武字興城東又東南左得刺稽水口溪東北出便水源矣白水又東南清水左注之庾仲雖曰清水自祁山來合白水斯為孟浪也水出於平武郡東北矚累亘下南逕平武城東屈逕其

水經注

卷二十

城南又西歷平洛郡東南屈而南逕南陽僑郡東

北又東北宋本作東南逕新巴縣東北又東南逕始平

僑郡南又東南逕小劔戍北西去大劔三十里連

山絕嶮飛閣涌一作通衢故謂之劔閣也張載銘曰

一人守嶮萬夫趨趨信然故李特至劔閣而嘆曰

劉氏有如此地而面縛於人豈不奴才也小劔水

西南出劔谷東北流逕其戍下入清水清水又東

南注白水白水又東南孫云疑脫逕字於吐費城南即西

晉壽之東北也東南流注漢水西晉壽即蜀王弟

水經注卷二十  
郭汾陽  
請本此

鍾云此與秦音之誣同意  
點化千古籠心淺學人

葭萌所封為苴侯邑故遂城為葭萌矣劉備改曰漢壽太康中又曰晉壽水有津關段元章善風角弟子歸元章封筒藥授之曰路有急難開之生到葭萌從者與津吏諍打傷其破頭者可以此藥裹之生乃歎服還卒業焉亦廉叔度抱父柩自沈處也後漢書廉范字叔度京兆杜陵人父丹王莽時為大司馬庸部牧客死于蜀范遂流寓西州後歸鄉里年十五辭母西迎父喪歸葭萌載船觸石破沒范抱持棺柩遂俱沈溺眾傷其義鉤求得之療救僅免於死

又東南過巴郡閬中縣

水經注

卷二十

十五

巴西郡治也劉璋之分三巴此其一焉關駟曰強水出陰平西北強山一曰強川姜維之還也鄧艾

遣天水太守王頌敗

宋本作之

于強川即是也其水

東北逕武都陰平梓潼南安入漢水漢水又東南逕津渠戍東又南逕閬中縣東閬水出閬陽縣而東逕其縣南又東注漢水昔劉璋之攻霍峻於葭萌也自此水上張達范彊害張飛於此縣漢水又東南得東水口水出巴嶺南歷獠中謂之東遊水李壽之時獠自牂牁北入所在諸郡布滿山谷其

水西南逕宋熙郡

後魏地形志益州有宋熙郡領縣二曰典樂元壽與巴州相比

東又東南逕平城東又東南逕巴西郡東又東入

漢水漢水又東與濩溪水合水出獠中世亦謂之

為清水也東南流注漢水漢水又東南逕宕渠縣

東又東南合宕渠水水西北出鄭縣南巴嶺與槃

余水同源派注南流謂之北水東南流與難水合

水出東北巴山西南注之又東南流逕宕渠縣謂

之宕渠水又東南入漢

又東南入漢州江津縣東南入于江

水經注

卷二十

十六

涪水注之故仲雍謂涪內水者也

丹水出京兆上洛縣西北冢嶺山

名高豬山也丹水東南流與清池水合水源東北

出清池山西南流入于丹水

東南過其縣南

縣故屬

李云疑作屬

京兆晉分為郡地道記曰郡在洛

上故以為名竹書紀年晉烈公三年楚人伐我南

鄙至於上洛楚水注之楚水出上洛縣西南楚山

昔四皓隱於楚山即此山也其水兩源合舍

宋本無舍



於四皓廟東又東逕高車嶺南御覽高士傳高車山上有四皓

碑及祠皆漢惠帝所立也漢高后使張良詣南山迎四皓之處因名高車山翼帶衆流

北轉入丹嶺宋本作丹水嶺上有四皓廟丹水自倉野又

東歷兔和山即春秋所謂左師軍於兔和右師軍

於倉野者也見左傳哀四年

又東南過商縣南又東南至于丹水縣入于汭

契始封商魯連子曰在太華之陽皇甫謐闕駟並

以為上洛商縣也殷湯之名起於此矣丹水自商

縣東南流注歷少習出武關應劭曰秦之南關也

水經注 卷二十一 丹水 十七

通南陽郡春秋左傳哀公四年楚左司馬使謂陰

地之命大夫士蔑曰晉楚之當作盟好惡同之不

然將通於少習以聽命者也京相璠曰楚通上洛

阨道也漢祖下浙酈攻武關浙當作析史記高祖降析酈因襲攻武關

破文潁曰武關右謝云疑浙縣西一百七十里弘

農界也丹水又東南流入曰口歷其戍下又東南

浙水出浙縣西北弘農盧氏縣大嵩山南流逕修

陽縣故城北縣即浙之北鄉也又東入浙縣統宋本

作流。結。成。潭。謂。之。龍。淵。清。深。神。異。耆。舊。傳。云。漢。祖。入

頭云此注水  
經析當加水  
不得以彼文  
相蒙況浙水  
浙縣浙口皆  
從浙又安知  
析非省文言  
仍是浙耶

謂云斯蛇人  
眼能

見黃底物不  
用燃犀此劫  
之異匪人不

關逕觀是潭其下若有府舍焉事既非恒難以詳  
矣其水又東逕其縣故城北蓋春秋之白羽也左  
傳昭公十八年楚使王子勝遷許於浙是也郭仲  
產云相承言此城漢高所築非也余按史楚襄王  
元年秦出武關斬衆五萬取浙一十五城漢祖入  
關亦言下浙酈非無城之言循之則可矣浙水又  
歷其縣東王莽更名縣爲古亭也而南流入丹水  
縣注于丹水故丹水會洧有浙口之稱丹水又東  
南逕一故城南名曰三戶城昔漢祖入關王陵起

水經注

卷二十

十八

兵丹水以歸漢祖此城疑陵所築也丹水又逕丹  
水縣故城西南縣有密陽鄉古商密之地昔楚申  
息之師所戍也春秋之三戶矣杜預曰縣北有三  
戶亭竹書紀年曰壬寅孫何侵楚入三戶郢者是  
也水出丹魚先夏至十日夜伺之魚浮水側赤光  
上照如火網而取之割其血以塗足可以步行水  
上長居淵中丹水東南流至其縣南黃水出北子  
山子一黃谷南逕丹水縣南注于丹水黃水北有  
墨山山石悉黑續彩奮發黝焉若墨故謂之墨山

西云如此設  
乃曰山

譚云秦文伐樹而牛入水其牛如鬼蕭欣伐樹而蛇入山其蛇獨神

通典今鄧州內鄉縣東七里有於村

今河南新安縣有石墨山斯其類也丹水南有丹崖山山悉頰壁霞舉若紅雲秀天二岫更爲殊觀矣丹水又南逕南鄉縣故城東北漢建安中割南陽右壤爲南鄉郡逮晉封宣帝孫暢爲順陽王因爲立順陽郡而南鄉爲縣舊始鄧城永嘉中丹水浸沒至永和中徙治南鄉故城城南門外舊有郡社栢樹大三十圍蕭欣爲郡伐之言有大蛇從樹腹中墜下大數圍長三丈羣小蛇數十隨入南山聲如風雨伐樹之前見夢於欣欣不以厝意及伐

水經注

卷二十

十九

之吏孫云吏疑作更少日果死丹水又東逕南鄉縣北與

寧末太守王靡之改築今城城北半據在水中左

右夾溪朱本作夾澗深長及春夏水漲望若孤洲矣城

前有晉順陽太守丁穆碑郡民范甯立之丹水逕

流兩縣之間歷於中之北所謂商於者也故張儀

說楚絕齊許以商於之地六百里謂以此矣呂氏

春秋曰堯有丹水之戰以服南蠻卽此水也又南

合洧水謂之浙水

水經注卷二十

月二十日燈下閱